



Reparaturas d'asfalt Lavin - Brail - surdatta da lavur

In tuot las quatter fracziuns esa necessari da far diversas lavurs da reparaturas d'asfalt e da vascas. L'incumbenza es gnüda surdatta a la firma HEW AG, Zernez. Las lavurs gnaran executadas d'urant il mais october 2023.

Sanaziun sarinera Zernez - lavurs da cuvratet - surdatta da lavur

Las lavurs da cuvratet in connex cun la sanaziun da la sarinera Zernez han stuvü gnir surdattas da nouv. Davo avair evaluà e controllà las offertas es gnüda surdatta l'incumbenza a la firma Foffa Conrad Holzbau AG, Zernez.

Clinica Holistica Engiadina SA, Susch - permiss per gestiuns d'ustaria

Il cumün ha acconsenti a la Clinica Holistica Engiadina SA, Susch respectiv al respunsabel ün permiss da gestiun per manar a partir dals 1. settember 2023 la gastronomia illa clinica.

Zernez Energia 2020 - dumonda da sustegn

Ün'ulteriura dumonda da sustegn per sanaziuns energeticas d'abitaculs our dal fondo Zernez Energia 2020 es gnüda approvada. Illa fracziun da Zernez vegnan sustgnüts Eliana e Karl Wieser per la sanaziun energetica da lur chasa in Davo Röven.

Cuntschet da protecziun Sosa/Sarinera Zernez - proget e credit supplementar

Las grondas ovaziuns da la fin d'avuost han chaschunà gronds dons vi da las scarpadas dal En (vers ost) sül perimeter Zobrist Cotti srl fin dadour la sarinera Zernez. Sper la via d'access es in quist territori pertocca divers'infrastructura importanta sco lingias d'aua da baiver, chnalisaziun e blocs da cabels electric (tanter oter eir OEE e Swissgrid). D'urant las ovaziuns sun gnüdas trattas masüras immediatas per limitar ils dons. La suprastanza cumünala ha deliberà ün proget ed ün credit supplementar in l'import da 60'000 chf per sgürar l'infrastructura existenziala cumünala.

Candidatura «Donnschtig-Jass»

Davo l'annunzcha quista prümavaira per ün'eventuala partecipaziun al «Donnschtig-Jass» da radio e televisiun Svizzer (SRF) s'han ils organisaturs annunzchà per recognoszar la piazza per l'emischiun. La suprastanza cumünala ha trat la decisiun da princip da vulair cuntinuar cun la candidatura per l'emischiun dals 11 lügl 2024 e deliberà cun quai eir il credit correspondent.

Il Cumün da Zernez ha acconsenti ils seguaints permiss da fabrica:

Parcella no. 0399, vita-wohnen / RH SA Trimmis, Brail – fabricat da duos chasas da plüssas famiglias

Parcella no. 1164, Patscheider Kelly Flavia, Zernez – carport

Parcella no. 2141, Kulczyk Grazyna Maria, Susch – restructuraziun chasa no. 89, dumonda posteriura

Radunanza cumünala - tractandas provisoricas dals 8 december 2023

La glista da tractandas provisorica da la radunanza cumünala dals 8 december 2023 es gnüda discussa. A quista radunanza vain preschantà principalmaing il preventiv 2024.